

## PLOANIES SAN MARTIN Y LUNGIARÜ

Cun ligrèza unse podü mète fora te dljia i libri nüs LALDUN LE SIGNUR, libri cun oraziuns y cianties por la Val Badia. I libri, che sostituësc le SYN gnü fora tl ann 1992, é gnüs comprá dales cöres y vëgn metüs a desposiziun te dljia y tles capeles. Al vëgn perié da fá bel impara, da ne i ruviné nia, mo dantadöt da i tó ca tröp tratan les mësses y les atres funziuns por podëi insciö partezipé plü ativamënter ala liturgia. Chi che oress avëi ince a ciasa n liber, pó le cumpré te calonia vigni domènia do mëssa, al prisc de 20 euro l'un.

Le Sorvisc ai Jogn Val Badia mët a jí "Dis de preparaziun al maridè" dala sabeda, 15 d'aurí, ala domènia, 16 d'aurí. Le curs sará por ladin y na picia pert por todësch. Söl program é referac y formaziun ti ciamps de comunicaziun, relaziuns, spiritualité, sanité y dërt. Referënc sará Lois Kastlunger (coordinadú), Christian Ferdigg (pert religiosa), Christian Pedevilla (avocat) y Petra Massardi (consulënta). Le curs é limité a 12 pers. Porchël periunse da ves prenoté tl Sorvisc Jogn Val Badia 0474 523 070 o info@jogn.org, cina ai 31 de merz 23. Le cost é de 180 euro por per (curs + 2 marënes).

Incö domènia, ai 29 de jená, festejuns le De de sant Ojöp Frëinadamez. I Miscionars Verbic inviëia da recordé nosc sant sö Oies dales 16.00 cun na Mëssa solëna zelebada adöm cun nosc vësc Ivo Muser.

### SAN MARTIN

Les sabedes y domënies ai 4 y 5 de forá y ai 11 y 12 de forá oressun trá ite cun l'oferta pro mëssa osc contribut por scialdé la dljia y la calonia. Chi che ó pó ince paíé por banca IBAN IT 11 J 08010 58830 000304004922

La ploania da San Martin chir n afitadin por sié le pre da munt dla calonia sura Vaciará. I interessá da tó a d'infít le pre é peria da telefoné a 338 46 50 898.

-----

Cooperativa Turistica Al Plan/S.Martin: Al vëgn indò tigní la sfilada da Carlascé a Al Plan. Düc, pici y gragn, uniuns, classes y i.i. é bel inviá da gní a tó pert! I s'incuntun ai 21 de forá, dales 14.00, tla plaza dan l'ofize turistich d'Al Plan. Les iscriziuns vëgn tutes sö le medemo de dales 12.00 inant tl ofize turistich.

### *Döt le bun a chi che complësc i agn de forá*

a San Martin:

Pire Tavella (Pinis) che nen complësc 80 ai 8  
**siur Heinrich Perathoner che nen complësc 82 ai 11**  
Oliva Winkler Vanzi che nen complësc 86 ai 18  
Sepl Frenner che nen complësc 85 ai 19  
Anna Pedevilla Planatscher che nen complësc 85 ai 24



a Lungiarü:

Albino Dejaco che nen complësc 83 ai 6  
Severina Costa che nen complësc 92 ai 7



## Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net  
curat siur Heinrich Perathoner 339 65 74 213  
redaziun: anton.gasser@rolmail.net - 348 27 44 517 / 0474 523 194

**29.01 - 05.02.23 n. 10**

*ultimo termo por comunicaziuns: jöbia, dales 20.00*

*unitepastorala.org*

## 4ª DOMÈNIA IA POR L'ANN "A" FESTA DE SANT OJÖP DA OIES

### *Vangele do Matü 5,1-12a*

Canche Gejù odò le gröm de jënt, é l jü sön na munt. Al s'à sentè jö, y sü discepu i é jüs pomez. Spo àl metü man da baié y i istruî. Al à dit: Beâc, chi che é püri dan da Idî; deache de d'ëi é le règn dl cil. Beâc, chi che plüra; deache ai gnarà consolà. Beâc, chi che é saurisc; deache ai arparà la tera. Beâc, chi che à fan y sëi do la iustizia; deache ai gnarà pascentà. Beâc, i misericordiusc; deache ai cïafarà misericordia. Beâc, chi che à n cör nët; deache ai odarà Idî. Beâc, chi che fej pêsc; deach'an ti dijarà fis de Dî. Beâc, chi che vëgn porseghità por gauja dla iustizia; deache de d'ëi é le règn dl cil. Beâc sëise os, sc'i gnëis dejonorà y porseghità y scraia fora a vigni manira por mia gauja. Ralegrësse y iubilede: Osc paiamënt tl cil sarà gran.



*I te dijun dilan, oh Dî etern,  
cun i püri, chi che plüra, cun i saurisc,  
cun chi che á sëi do iustizia, cun i misericordiusc.  
I te dijun dilan cun chi dal cör nët y che chir la pesc.  
I te dijun dilan, deache te i os bun.  
Fá ince fora de nos porsones sciöche chi che to Fi tlama fortuná,  
por ch'i viunse te to amur y ch'i le desmostrunse te chësc monn.*

EDEMA	SAN MARTIN	LUNGIARÜ
29.01.23 <b>4<sup>a</sup> DOMËNIA ia por l'nn A</b> <i>Festa de Sant Ojöp da Oies</i>	9.00 Corona 9.30 Mëssa solëna en onú de San Ojöp Frëinadamez dl ann + Pire Unterwegger 16.00 Mëssa solëna sô Oies ( <i>cun le Vësko</i> )	7.50 Corona 8.15 Gran Mëssa por la Comunité en onú de San Ojöp Frëinadamez 16.00 Mëssa solëna sô Oies ( <i>cun le Vësko</i> )
30.01.23 <i>Martina, Serena</i> <b>Lönesc</b>		
31.01.23 <b>Dedolönesc</b> <i>Giovanni Bosco, Eujeb</i>	19.00 Mëssa en onur de San Bostian dl ann + Mariangel Tavella	
01.02.23 <b>Dedemesaledema</b> <i>Brighita, Giovana</i>		19.30 Mëssa <i>Benediscium dles ciandëres y de san Blaje</i> + Anna Pallestrong Sottrovitsch dl ann + Ivo Sorà
02.02.23 <i>Dé dla vita consacrada</i> <b>Jöbia - Presentaziun dl Signur</b>	<i>degöna mëssa</i>	
03.02.23 <b>Pröm vëndres</b> <i>Blaje, Oskar, Simeon y Ana</i>	18.30 Adoraziun chîta 19.00 Mëssa ( <i>cun pater Franz Senfter</i> ) <i>Benediscium dles ciandëres y de san Blaje</i> por families de Gottfried Miribung por les Animes dl purgatore + Alfred Videsott	7.00 Adoraziun 7.30 Mëssa + + + Vijo, Maria y Heinrich Dapoz dl ann + Veronica Costa
04.02.23 <b>Sabeda</b> <i>Rabanus Maurus, Veronica</i>	19.30 Mëssa <b>prefestia</b> ( <i>siur Klaus</i> ) de renger. families de Alfred y Carla Verginer + Angelina Vanzi Baldissera	<i>degöna mëssa</i>
05.02.23 <b>5<sup>a</sup> DOMËNIA ia por l'nn A</b> <b>DE MONDIAL POR LA VITA</b>	9.00 Corona 9.30 Gran Mëssa por la comunité <i>I festejun le de dla vita cun i geniturs di mituns batiá l'ann 2022</i> + siur Heinrich Videsott	7.50 Corona 8.15 Gran Mëssa por la comunité <i>I festejun le de dla vita cun i geniturs di mituns batiá l'ann 2022</i>



Tl ann 1879 lasciâ Sant Ojöp por tres súa familia y la tera olach'al ê nasciü, por jí tla Cina a incundé la buna noela de Gejú. Al s'aspetâ da gní tut sô cun n gran entusiasim; mo ara n'ê nia stada insciö.

I pröms agn âl passé te n paisc de pêiapësc a Hong Kong, y dailó âl imparé da conësc le sënn, l'incomprenjiun y le despriy che la jënt dl post ti mostrâ ai foresc. Lapró se sintil indeblí da de vigni sort de mai, sciöche la malaria y destürbs al magun. Dôt chësc l'â condüt a iudiché dër negativamënter i cinesc. Mo al n'â nia pordü le coraje y â porté inant súa misciun. Al se sforzâ da i capí y da i tó bel plan sciöch'ai ê. Al ponsâ do sôla motivaziun che l'â condüt tla Cina; y ala fin âl capí, che le iudize negativ ch'al s'â fat porsura i cinesc depënô ince da d'ël instës.

-----

Gejú Crist é zënza pîsc; al á ma nüsc pîsc da ti jí adincuntra ala jënt.

**Gejú Crist é zënza mans; al á ma nostes mans da assuié ia les legremes.**

Gejú Crist é zënza slefs; al á ma nüsc slefs da incundé la buna noela.

**Gejú Crist é zënza edli; al á ma nüsc edli da odëi les soferënzes dla jënt.**

Gejú Crist é zënza orëdles; al á ma nostes orëdles da ascuté sô i debli, i stluc fora y i püri.

**Gejú Crist é zënza parores; al á ma nostes parores da comuniché sü pinsiers.**

Gejú Crist nes á ma nos, me y te, da porté inant súa opra de redenziun.

**Nos sun so message por chësc monn, scrit cun opres y parores.**

*dal Pilgerbüchlein*

**Al pó ester ch'al sides mudaziuns de orar por ci che reverda les mësses;  
n iade o l'ater pól ince ester na liturgia dla parora impede la mëssa.**